

**MINISTARSTVO OBRAZOVANJA,  
NAUKE, KULTURE I SPORTA**

72

Na osnovu člana 68. Zakona o organizaciji uprave u HNK (Službene novine HNK broj:9/09) a u vezi s članom 179. stav 1. i 2. Zakona o osnovama bezbjednosti saobraćaja na putevima u Bosni i Hercegovini ("Službeni glasnik Bosne i Hercegovine", broj: 6/06, 75/06, 44/07, 84/09, 48/10 i 18/13), te članova 2., 4. i 8. Pravilnika o načinu i uslovima organizovanja ispita za vozača motornih vozila ("Službeni glasnik Bosne i Hercegovine", broj 46/12), ministar Ministarstva obrazovanja, nauke, kulture i sporta HNK donosi

**PRAVILNIK  
O NAČINU IZBORA I IMENOVANJA  
ČLANOVA ISPITNE KOMISIJE ZA  
POLAGANJE VOZAČKOG ISPITA**

## Član 1.

Ovim pravilnikom Ministarstva obrazovanja, nauke, kulture i sporta Hercegovačko-neretvanskog kantona (u daljnjem tekstu: ministar) bliže propisuju uslove, način i postupak testiranja kandidata, prijedlog i imenovanje, sastav, trajanje mandata i razrješavanje članova Ispitne komisije za polaganje vozačkog ispita (u daljnjem tekstu: Ispitna komisija).

## Član 2.

- (1) Za člana Ispitne komisije može biti imenovan kandidat koji pored uslova i kriterija propisanih Zakona o osnovama bezbjednosti saobraćaja na putevima u BiH i Pravilnikom o načinu i uslovima organizovanja ispita za vozača motornih vozila ispunjava i sljedeće uslove:
- a) ima prijavljeno prebivalište u HNK duže od šest mjeseci;
  - b) nema izrečenu mjeru sigurnosti ili zaštitnu mjeru zabrane upravljanja motornim vozilom;
  - c) da se protiv kandidata ne vodi krivični postupak;
  - d) da kandidat nema na poreznoj upravi prispjelih a ne izmirenih obaveza;
  - e) ljekarsko uvjerenje, ne starije od tri mjeseca;
  - f) da je prošao eliminacijski ispit iz poznavanja saobraćajnih propisa;

## Hercegovačko-neretvanskog kantona

g) da nije uposlen u autoškoli ili na bilo koji način angažovan ili povezan s autoškolom.

## Član 3.

- (1) Odabir članova Ispitne komisije, osim predsjednika i sekretara vrši se putem Javnog poziva i provodi ga Komisija za provedbu Javnog poziva koju imenuje ministar.
  - (a) Komisija za provedbu Javnog poziva se sastoji od predsjednika i dva člana.
  - (b) Za člana Komisije za provedbu Javnog poziva može biti imenovana osoba koja ima VSS i koja posjeduje dozvolu instruktora vožnje ili licencu predavača teoretske nastave.
  - (c) U Komisiju za provedbu Javnog poziva ne mogu biti angažirane osobe koje su uposlene ili angažovane u autoškoli, kao i osobe koje su se prijavile na Javni poziv za Ispitnu komisiju.

## Član 4.

- (1) Ispitna komisija sastoji se od:
  - a) Predsjednika i zamjenika predsjednika;
  - b) Minimalno pet članova za teorijski dio ispita iz poznavanja saobraćajnih propisa;
  - c) Minimalno osam članova za praktični dio iz upravljanja motornim vozilom;
  - d) Minimalno četiri ispitivača iz poznavanja pružanja prve pomoći;
  - e) Sekretara.
- (2) Funkciju predsjednika Ispitne komisije obavlja Pomoćnik ministra za edukaciju i licenciranje u saobraćaju, koji posjeduje uslove propisane Zakonom o osnovama bezbjednosti saobraćaja na putevima u BiH i Pravilnikom o načinu i uslovima organizovanja ispita za vozača motornih vozila. Ministar ga imenuje bez Javnog poziva.
- (3) Zamjenik predsjednika se imenuje s liste uspješnih kandidata.
- (4) Sekretara Ispitne komisije ministar imenuje iz reda uposlenih, bez Javnog poziva.
- (5) Prilikom imenovanja članova Ispitne komisije, zbog zadržavanja kontinuiteta rada, poželjno je s liste uspješnih kandidata imenovati minimalno jednu trećinu kandidata iz prethodnog saziva Ispitne komisije.

## Član 5.

- (1) Kandidati za člana Ispitne komisije polažu pismeni test iz poznavanja saobraćajnih propisa.
- (2) Testove za polaganje pismenog ispita priprema predsjednik Komisije za provedbu Javnog poziva i sastavlja ih iz Kataloga testovnih pitanja za

vozača motornih vozila. Testovi su tajni i uvid u iste imaju samo članovi Komisije za provedbu Javnog poziva.

- (a) Test iz poznavanja propisa o bezbjednosti saobraćaja na putevima za članove Ispitne komisije sastoji se od (40) četrdeset pitanja sastavljen od:
  - dvadeset pitanja iz Oblasti I – teoretska pitanja,
  - deset pitanja iz Oblasti II – znakovi i
  - deset pitanja iz Oblasti III – raskrsnice.
- (b) Tačni odgovori na pitanja iz Oblasti-I vrednuju se s dva boda, iz Oblasti-II s tri boda, a iz Oblasti-III s pet bodova.
- (3) Kandidati za člana Ispitne komisije iz poznavanja propisa o bezbjednosti saobraćaja na putevima i praktičnog dijela-vožnje pišu dva testa (osamdeset pitanja) i traje maksimalno 70 minuta.
- (4) Kandidati za člana Ispitnog povjerenstva iz pružanja Prve pomoći, pišu jedan test (četrdeset pitanja) i traje maksimalno 50 minuta.
- (5) Pismeni ispit iz poznavanja propisa o bezbjednosti saobraćaja na putevima je eliminacijski dio ispita. Kandidat za člana Ispitne komisije iz poznavanja propisa o bezbjednosti saobraćaja na putevima-testovi i praktičnog dijela-vožnja mora ostvariti minimalno 95% bodova od ukupno mogućih na testu, a kandidat za prvu pomoć mora ostvariti minimalno 90% bodova od ukupno mogućih na testu da bi bio na listi uspješnih kandidata s koje ministar odabire Ispitnu komisiju.

## Član 6.

- (1) O polaganju ispita vodi se zapisnik koji sadrži: ime (ime oca) i prezime kandidata, datum rođenja, datum i mjesto polaganja ispita, za koju vrstu člana Ispitne komisije polaže ispit, oznaka testa koji je imao na ispitu, broj osvojenih bodova i ocjena na ispitu.
- (2) Ocjenjivanje kandidata vrši se ocjenom „položio“ ili „nije položio“.
- (3) Zapisnik potpisuju predsjednik i članovi Komisije za provedbu Javnog poziva koji su provodili ispit.
- (4) Izgled i sadržaj zapisnika dat je u Prilogu broj 1. i čini sastavni dio ovoga Pravilnika.

## Član 7.

- (1) Od kandidata koji zadovolje navedene kriterije i budu uspješni na testu, Komisija za provedbu Javnog poziva formira listu uspješnih kandidata i dostavlja ministru na imenovanje u Ispitnu komisiju.

- (2) Ministar s liste uspješnih kandidata imenuje potreban broj članova Ispitne komisije u skladu sa članom 4. Ovog pravilnika.
- (3) U sastavu Ispitne komisije za praktični dio upravljanja motornim vozilom imenuju se minimalno četiri člana koja imaju sve kategorije za provedbu ispita.
- (4) Pri imenovanju članova Ispitne komisije prednost imaju kandidati mlađi od šezdeset pet (65) godina.

#### Član 8.

- (1) Ministar imenuje Ispitnu komisiju na (2) dvije godine, poslije čega se ponovno raspisuje Javni poziv.
- (2) Ministar može, u slučaju potrebe, do isteka mandata ostalim članovima Ispitne komisije ili završetka Javnog poziva, nadopuniti Ispitnu komisiju s liste preostalih uspješnih kandidata.
- (3) Ministar može jednostrano razriješiti određenog člana Ispitne komisije u slučaju da krši određene propise i standarde, narušava ugled Ministarstva, te se ne ponaša u skladu s Pravilnikom o polaganju vozačkog ispita i Zakona o osnovama bezbjednosti saobraćaja na putevima u BiH.

#### Član 9.

- (1) Članovi Ispitne komisije za svoj rad imaju pravo na naknadu.
- (2) Visinu naknade određuje ministar posebnim aktom.

#### Član 10.

Nakon stupanja na snagu ovog Pravilnika izvršit će se postupak izbora i imenovanja Ispitne komisije u skladu sa odredbama ovog Pravilnika, što će se odnositi i na članove imenovane rješenjem ministra prije stupanja na snagu ovog Pravilnika.

#### Član 11.

Ovaj Pravilnik stupa na snagu danom objavljivanja u „Službenim novinama Hercegovačko-neretvanskog kantona.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
Ministarstvo obrazovanja, nauke, kulture i sporta  
Broj: 05-01-02-200/15

Mostar, 29.01.2015. godine

MINISTAR  
Zlatko Hadžimerović, s.r.

Privitak br. 1

**ZAPISNIK  
O POLAGANJU ISPITA ZA ČLANA ISPITNE KOMISIJE  
ZA POLAGANJE VOZAČKOG ISPITA**

Ime (ime oca) prezime kandidata: \_\_\_\_\_

Mjesto, dan, mjesec i godina polaganja ispita: \_\_\_\_\_

Član za \_\_\_\_\_

**PROPISI O BEZBJEDNOSTI SAOBRAĆAJA**

Članovi Ispitne komisije:

1. Ispitivač \_\_\_\_\_

2. Ispitivač \_\_\_\_\_

Predsjednik \_\_\_\_\_

Broj testa \_\_\_\_\_, bodova \_\_\_\_\_

Ocjena \_\_\_\_\_

**Potpis članova komisije:**

1. Ispitivač \_\_\_\_\_

2. Ispitivač \_\_\_\_\_

Potpis predsjednika \_\_\_\_\_

---